

地310:145

02

13

古田縣志

署 李黎洲



卷九	卷八	卷七	卷六	卷五	第三册
戶口	名勝	建築	城市	水利	



古田縣志卷之五

水利 陂塘 橋渡 井碓附

昔歐陽文忠作唐書地理志凡一渠之開一堰之立無不備記後世稱善本焉古田負山爲田雖無鄭白之利然溪流環繞陂塘錯出其間旱乾所由無慮也他如輿梁之免病涉津渡之便交通固爲地方要政卽井碓亦家常日用所關數者均不可闕纂水利志

縣治及附郭

煥文渠

在縣城北煥文橋下堰溪水入渠西至于新宮前南過迎仙橋下又西流匯于后河直趨勸農橋下又東流過下橋以至于大溪昔人以爲襟帶之水明萬曆二十四年縣令劉曰暘以縣脈從西北來鑿河渠斷龍塞之其縣治後一帶新宮以前猶存今盡廢

按舊志載該渠源流壅塞由來舊矣民國二十七年冬黃縣長

古田縣志

卷之五

水利志

澄淵毅然有興復之意諭令凡在該渠間或前後左右有遮礙者勿論民房商舖限期一律拆卸初民以積重難返未免却顧躊躇既而仰體諭旨鼙鼓一宣互相響應一面由縣府撥款召匠興工砌造河岸數閱月間而一河兩岸之舊制復見今茲因附記其顛末如此

朱舍河

自縣前大街尾過福山堂前至勸農橋下

後河

自縣城三保紫極宮流出沿河西而至於五保后庄

曾祇塘

在縣側後田

迎仙橋

在城內四保元季建明正統初邑令張昱重建上有橋亭

煥文橋

在城內三保大街明正統十三年燬天順間縣令尹吉重建今廢



勸農橋

在城內五環后庄元時建邑令勸農於此故名明萬曆三十一年燬縣令王繼祀重建清邑人林首遺詩一望平疇春水浴環橋樹色綠茸茸蕪蕪燒笋開新釀相約明朝候勸農

雲津橋

在縣城一保水門外俗呼爲里安宋初廖三益捐建明正統間燬景泰成化間累建皆圯於水

萬安橋

在雲津橋之南元時建明永樂十一年燬成化十五年邑令汪瑾重建十八年鄉民建亭其上凡四十七間二十五年圯於水

鳴玉橋

在四保水門外宋時建下有鳴玉灘故名紹興元年燬於兵僧圓澄募資重建嘉泰間潰於水開禧初又燬於兵縣令徐憲重建改名真橋尋復燬

石平橋

在鳴玉橋之南宋元時累建後廢明宣德間御史王質重建後圯於水成化十五年重修爲石墩十有一上覆以亭凡五十六間復圯於水下有磨劍石識云磨劍石平方出公卿故名

轉水橋

在縣城北門下嘉靖三年重建構亭其上名曰水雲清邑人林首遺詩雲水由來無定蹤南轅北轍此相逢亭前咫尺纔分手便隔天涯路幾重

喜雨橋

在縣城西門外極樂寺前今廢

紫橋

在縣城外東北清順治間建康熙三十九年盧文樂倡修乾隆十一年圯十二年邑人葉標元募捐重建

三山林廣記

玉田之勝在翠屏山而紫橋實爲山之襟帶溪光澄碧長虹臥波當古屏孔道凡官吏驛使之去來耕牧商販之往返駢肩錯趾憧憧於岐路者莫不由此而通丙寅夏霖雨暴漲漂湧巨樹衝橋墩圯者逾半僅存榜城三分之一咫尺天涯臨流病涉當事謀所以葺之久矣而卒未有勝厥任者余友安陵尹葉公杏漁丁艱歸邑令稔其能正鼎力焉用是庀材伐石僦匠肇工甫豎樑而前所僅存者復燼於火衆皆難之公慨然曰吾意本欲撤舊更新成

古田縣志

卷之五

水利志

一一

一色鮮潔與梁祝融氏其深知我意余但加一番整頓已耳命急趨事匠人彭帝光亦願茹淡素以蘇力次第呈功爲墩六拱五可通舟楫者二高三丈六尺長六十丈闊一丈九尺架屋其上飛蔭曲檻長跨遠拖行者足以避風雨游者足以供眺覽勝

概視昔有加勸募銀僅得一千三百兩零不敷其用途自捐六百餘金以濟之經始於乾隆丁卯仲冬至己巳杪秋工垂成而公竟以形苦神勞一疾不起矣余思修廢舉墜責在長令公以里履造福桑梓內不奪於遠慮外不搖於築舍直視爲切躬之

利害勤勤矻矻而載弗休卒有以成長令之所不逮是亦可以爲難矣乃緣此而殞其生過斯橋者能勿歌且頌而繼之以泣也夫邑人陳國政詩飛觴舞管滿芳塵半屬王孫半美人獨倚小橋誰問訊桃花流水一溪春光緒三十年復圯於水民國三

年邑紳丁壽田陳廷鏞陳世英等集合十八人各倡捐二十元創建馬頭墩完成計用款一千八百餘元嗣因募資不成中止倡首十人各有賠墊惟陳廷鏞墊款最鉅計有三百餘元延至民國八年有屏人鄭威明者以斯橋與屏邑行旅有礙聯合吾邑

人士分途募捐翌年壘石庀材興工重建歷五六載而始成橋上覆以棟瓦計四十八柱名公巨卿文人學士各就其柱而題詠琅琅炳炳誠壯觀也民國二十年夏洪水爲災漂流屋宇不少而斯橋獨無損足見其工程之鞏固矣時莆田陳元璋先生

宰吾邑風雅有政聲植樹節節邦人士就橋邊循例植樹加以題詠詩云遺橋爲之畫似橋亦似閣蜿蜒似長蛇突起如蹲鸞人置身其間忘山林城郭留影山當門聞聲水出壑沙與水爭流水與石相搏石大可几席小亦類鑿鑿激湍作飛花倒瀉儼

垂箔又如承飲者灌口而抵齋既翕張靡定亦欬啞並作生厭喧聞聲此聲實不惡野確鑿人春柴門終日鑰兩三楊柳樹依搖村落一溪占全城如一士鏘鏘有客獨衝寒雲中過一鶴又植樹詩云十里風光萃此溪遊人踏遍茶橋西沙同小石還

爭路苔上幽岑自得棲柳葉層層沿岸覆榕陰冉冉與城齊補栽留蔭行人道看似杭州白傅堤蒼幹青條好護持手栽此地最相宜淺溪水靜看如掌遠岫雲橫畫作眉選擇根株皆後秀安排亭榭待新詩西山寇盜休相犯正值春農布穀時二十二

年冬閩變之役十九路軍以戰關係燬之數載經營之偉大建築物頃刻付之一炬三百餘年古蹟從茲蕩然惜哉今福田公路仍其舊跡改造橋梁啣接路面復足便利交通殆亦與廢之有數歎

金坑橋

在十二都清康熙二十八年丁先正捐建雍正六年先正孫登閣登弼曾孫騰起捐修光緒六年圯於水楊瑞英等募捐重建石橋

下橋

在縣城南門外

萬安渡

在縣城一保東門外

溪山渡

在東門外紫橋建後不設

東門頭渡

在縣城東門外

二保渡

在縣城二保水門外

三保渡

在縣城三保水門外

四保渡

在縣城四保水門外

林洋渡

在縣城南門六保尾

莊家井

又名蘇厝井一名鯉魚井在城內一保橫街

北門井

一名圓井在一保城隍殿下

古田縣志

卷之五

水利志

三

城隍井

在一保城隍廟后

陳家井

一名八角井在一保大街

佑聖井

在城內二保後街佑聖宮邊

聞厝井

在二保後巷

厲厝井

在二保後巷今廢

隱井

一在佑聖宮泮池橋下中一在後巷三角池一在水門前溪中二保有三井藏三井現之說蓋謂此也

金井

在二保門溪中故二保有金井門金井境之稱舊志載相傳在布政司左右誤矣

吉祥井

在城內吉祥寺前宋時鑿

后街井

在三保后街雲梯坊四境

義井

又名月井井在三保迎仙橋西宋縣令李堪鑿

龍王井

在三保上中街龍王廟下

府館井

在三保紫極宮右旁

紫極井

在三保紫極宮內民國開鑿

西湖井

在三保西湖境內民國五年鑿

香山井

在城內下馬亭街

庵後井

在三保下馬亭后尼姑庵

公司井

在城內五保天后宮前

城邊井

在五保水門下

雙塔井

在五保大街塔旁

西門井

在五保西門街永豐境明府廟旁

古田縣志

卷之五

水利志

四

后庄井

在五保后庄勸農橋左旁

六保井

在縣南門外六保街

碓

水碓之患屢以溪流壅遏之極勢必衝潰城垣貽害不淺而利用者祇欲偷杵臼之安博升斗之利而已明邑令劉曰賜深慮及此盡毀諸碓只留一口以為民用且懸厲禁勒石內列原造碓戶姓禮姚文郎羅五朱一鳳之名永絕其弊後豪右垂涎確利多方謀復邑令王繼祀痛懲以法立令折毀復令原留一碓每年以確利給紫橋林洋溪山三渡夫工食並造船費共二十五兩通詳立案刻碑示禁不許再鑿今則魏李鄭諸姓及紫橋頭南門六保諸碓鱗列水濱盡禁之弛久矣至於各鄉則

無慮此因各鄉祇利用溪澗之水以設碓雖亦壅遏水勢礙民居人口多者尚設二三所最少亦須一所更番碾確糧食永者為例此外尚可於碓旁附設磨房兼資磨麵又檜林繁盛村落有磨謂油行者則碾油之外復可確米又皆一舉而兩利存焉

大東鄉

龜潭波

在三十九都路上村清光緒八年余澤芳募築長二十餘丈溉路上洋田

藍田橋

在三十五都下村清乾隆五十三年建

聚寶橋

在三十五都利洋村

仁壽橋

在三十六都杉洋仁壽門外清
嘉慶十八年道光緒間圯於水

凝望橋

在三十六都杉洋清康熙間建
後圯於水光緒二十六年重建

駟門橋

在三十六
都西寮村

大橋

在三十六
都西寮村

松洋橋

在三十六都松洋村為通甯德孔道舊有橋
圯光緒間里人余緒翰捐貲重建後又圯

仙人橋

在三十六
都東寮村

淳安橋

在三十六都樓下村俗呼亭下橋
嘉慶九年建後圯宣統元年重建

井邊橋

在二十八
都橫山村

節烈橋

在二十八都嶺裏村有節婦陳氏因夫遭水厄而翁姑尚在不獲身殉及翁姑喪舉赴橋下潭殉焉清邑令方亨
循詩形管揚輝過署欽寒潭春水晝沉沉波澄皎室收雙淚魄濯冰壺想寸心湘浦懷沙情不遠曹江抱骨感同

深微軀死為綱常重代籲恩綸慰剪金邑人丁得與詩節烈由來世所欽肯教毅魄沉沉纔離衰墨
三年那便展冰壺一片心响石未借精衛化懷沙已共汨羅深琳脚賢尹揚徽管照耀西堂棹楔金

古田縣志

卷之五

水利志

五

雙澗橋

在三十九都東店村俗呼東店橋清光緒二十五年圯於
水二十六年余澤芳等在橋下數十武架木橋以通往來

徐州橋

在三十九都徐州村清道光二
十二年黃志義等募捐重建

田地橋

在三十九都田地村清嘉
慶十一年黃錦和等募建

端石橋

在三十九都後彰村俗呼潭石橋明正德
十三年建清嘉慶十一年陳蒂亮重修

沉字橋

在四十一都西洋村宋德祐元年建遺橋時有謝神童過而題詩於梁柱中梁書聖人必得壽日重輪星重暉中
國至仁書同文車同軌旁書衣錦東歸擁高車乘駟馬揚鞭西上騎白鳳跨紅鸞又遺石梁蹈天津昇仙有使

臧乾樞幹坤軸利涉無邊又鐵柱千年屹西川之舊址玉虹萬丈嶽南郡之上游又含元殿承明庭
穩如柱石盤若舟苦旋岸廣植津梁語奇筆勁墨跡襲在橋梁間若沉人而不可去故名沉字云

蘇洋橋

在四十一
都蘇洋村

樹蔭橋

在四十一都模兜清嘉慶
間建後圯陳沛霖重等建

甕井

在四十一都西洋村后崗支祠
左邊下有二洞與裏洋溪通

小東鄉

倪洋陂

在四十二都沂洋村長三十丈闊三尺深二尺五寸溉田數百畝

官陂

在四十二都官洋村下溉田洋官洋東溪洋田三千餘畝

梧峯坂陂

在四十二都蔣乾村尾長三十丈溉梧峯坂田數百畝

白潭陂

舊名湖澤陂在四十三都潛龍村尾長三十餘丈溉仕坂洋田數百畝

東後陂

在四十三都渭洋過溪長五丈溉洋中坂田

土埧陂

在四十三都渭洋村尾長六丈溉仕坂下洋田

楚後陂

在四十三都溪邊村頭長二十丈溉四二四三兩都田千餘畝

黃翁陂

在四十三都溪邊門首長二十丈溉溪邊村頭洋田數百畝清光緒三十年被水漂流

普濟橋

俗呼大橋在四十四都大橋頭元時建明永樂十一年僧法顏募捐重修景泰間圯於水後復建正德五年毀萬曆二十六年重建清康熙間邑令曹牧重修乾隆三十二年邑令張復修民國三年圯于水邑人陳鳴岐等募建

古田縣志

卷之五

水利志

六

松巖橋

在四十四都瑞巖村尾舊圯於水明嘉靖三年建萬曆二十六年邑令劉日陽重修

小橋

在四十四都高宜嶺尾清嘉慶九年建光緒二十六年圯於水後重建一木橋

宏濟橋

在四十四都安章清嘉慶五年彭金重彭金聲等募建光緒二十六年圯於水

天字橋

在四十四都明萬歷二十六年建

雙溪橋

又名雙澗在四十五都宋元間建後廢明成化間林景全等募緣重建構亭其上

丁字橋

在四十五都重峯村有二水合流宋慶元二年林堤建二橋一縱一橫形如丁字故名

吉口橋

在四十五都吉口村清康熙十四年邑令張佑後建

長洋橋

在四十五都長洋村尾

臨水梳粧橋

在四十六都臨水明嘉靖間建清乾隆十六年圯於水同治六年重建

百花橋

在四十六都臨水明萬曆三十四年邑令王繼祀建清道光二十一年圯於水邑令張廣珽重修

西鄉

官陂

在二都黃田清道光間築溉田數十畝

滌面陂

在五都滌面村

蘇洋厝陂

在七都蘇洋厝村溉田百餘畝

吉兆磨房下陂

在七都吉兆村

沽洋裏陂

在八都沽洋裏村溉田百餘畝

七保門首壩

自九都七保水頭至坑裏仕坂溉田二千餘畝

新壩

在九都七保溉田百餘畝

王厝壩

在九都七保溉田百餘畝

前灣壩

在九都七保溉田百餘畝

古田縣志

卷之五

水利志

七

水缸潭壩

在九都洋坂村溉田數百畝

長潭壩

在九都東厝隔溉田數十畝

上墩蝦蟆陂

在十都上墩村

永洋后溪雙陂

在十都永洋溉田數十畝

永洋門首陂

在十都永洋村俗呼乞食埧溉田百餘畝

旺庄洋松林坂陂

在十都旺庄洋村溉田百餘畝

上井磨房陂

在十都村溉田百餘畝

新豐蝦蟆陂

在十一都新豐村溉田百餘畝

松台碓陂

在十一都松台村

松台油陂

在十一都松台村溉田三百餘畝

烈女井

在八都羅華村一名東井烈女魏瓊姑生時井鳴故名

迎駟橋

在二都谷口村宋時建明廢

潮魚橋

在二都潮魚村

谷口橋

在二都谷口村明萬曆三十二年邑令王繼祀建

萬壽橋

在二都谷口明萬曆二十七年邑令劉曰暘建清光緒三年壞嗣修木橋復圯於水至三十一年邑令沙世昌全徐紳應麒重建民國二十九年五月被敵機炸燬旋由建設廳重建

岳灣橋

在三都灣口清光緒三十年謝芹誠等募建

花橋

在四都嶺尾村民國二十九年五月被敵機炸燬五份之一隨由古谷汽車公司修復

洪坑橋

在七都明成化八年邑令王繼祀重建清同治八年圯光緒元年陳學蕃等建

官江橋

在七都官江村清光緒二十二年建

浣溪橋

在八都浣溪村宋時建明末廢

古田縣志

卷之五

水利志

槐門橋

在八都槐門村

鳴子橋

在九都七保村清光緒十八年林斯璧等倡建

華陽橋

在九都七保村清乾隆時建光緒十二年圯於水十四年林斯恆等倡建

九蟾橋

在九都螺峯村下

前山橋

在十都前山村

灣口渡

在三都

金鐘潭渡

在三都

虎潮渡

在三都

下雙坑渡

在三都

三都口渡

在三都

南鄉

長基廳陂

在十三都半洋大溪長三百五十丈闊四尺五寸溉田千餘畝

直路陂

在十三都直路村溉田數百餘畝

曹洋橋

在七都曹洋村宋時建名開禧後廢明永樂十年重建易名景泰三年圯於水邑令杜永壽尹古相繼重建旋圯成化宏治間邑令徐栻屠容又建正德七年又圯萬歷三年邑令周炎創建縣丞潘可權成之清康熙初又圯

二十二年丁先正倡建雍正六年先正曾孫騰越募捐重修有碑後復圯乾隆十年署縣令張學舉鑄幣重建十五年五月又圯厥後建而復圯圯而復建者不知凡幾次明邑令楊德周詩峭壁沿溪路幾盤霜華月色夜漫漫中橋燈火穿林渡驚起沙鷗過別灘清邑令張學舉詩跨峽為梁喜落成使君行後路人行不驚雪浪一條吼但覺雲峯四面功濟洪川歸賜帑手摩高碣愧題名南溟去此無多地竟作橫騎駕海鯨

仙人橋

在十三都村以石為之兩旁翼以石欄左側尚缺其半岩上有石庵今僅存其址橋下石礮相傳有仙人履跡山石蹲立澗水潺湲亦勝境也

錦溪橋

在十三都村宋時建明洪武初圯於水成化九年謝疇等重建併覆以亭

觀風橋

在一都水口后山舊為木橋清光緒十八年陳希先等募建以石為之橋上有亭

朝天橋

在一都水口北五里宋時建後廢明正德十三年許文經等捐貲重建殿撰舒芬為之記後燬曹觀察學佳倡建後廢清光緒二十二年李啓莊等重修

古田縣志

卷之五

水利志

九

明邑令楊德周記

朝天橋之圯而經始也古邑之官與民佐其費什不能一二而財施法施多方拮据經緯底於落成則大觀察能始曹先生實為政於斯役有百世功焉橋當邑之孔道旌節輪蹄往來

如織自昔有橋亦壯偉甚爰以夏潦澤溢遠谿逆讓啞啞不瀉繳楚角楹交啣於洪波而版隄石崩不勝褰裳之厲與榜擊之勞矣余初蒞邑先生諒之上臺之獨鏤縉紳之捐貲及已斯斥助已規料有成緒一日以書來備畫所以鳩工竣役狀余拙吏也其才既不廣強有力者八面游刃具大霹靂手以了公事而性又最嫉后官托公行私借輿繕以壓其腹者以故在事無擾民之稅賦而亦乏濟民之仁術自非先生僉謀獨裁出有經用有度勤而行之無少倦却理此妖矯截者褻摻交搆攢扶瑣緒

其烏觀厓廉縹緲阿榮疎棟禦塘激之暴而人不擠於溝馬不陷於滯哉古書置三老五更各一人皆有年更事致仕者天子執經乞言詢帝王君臣政治之要其於國事民生多所裨益後世此禮既廢士大夫僅亦優游林泉詩酒之樂而粉榆有大修舉膜外置之七言亦第舌端鑿鑿筆端繩繩止耳求如先生為德於躬行實政目紀成績為縣官與墜舉廢補所未逮而又為縣官清緒嚴明其無染者則先生不特於此地拯民瘼而所造在事者之涇渭如鑿仁人之用心真出古人上矣閩中

蔡端明之萬安橋糜金錢千四百萬世傳宰官具大功德而余聞寶祐中僧道詢所募貲作盤光橋其自洛陽橋東接島嶼較端明所建更加延袤如許不知當年經費何以羨此今先生此役其人亦似有隴而助焉者而端明以當事先生以里居其為力難易更自不同又况古邑固先生之隣封也耶而邀潤甯止九里耶論者謂先生一朝舟楫百代津梁此舉僅其小經綸而乃其餘普渡為慈航於成梁為王收突速壞於既往而圖可久於將來今茲聯行環擁睥睨高窺深江涓如行枕席水面

不假電雷既懸負新瓠子之歌而亦無沈鐵浮山之費此固已盡見舟楫津梁之全局而東山開辰且暮應求畫之詔而起則當世之倚舟楫賴津梁大用正自無窮矣先生所在有永賴之功如桐口之靈光連江之安和與此邑與梁畫幾告成矣而功成不居雅不欲如端明之告成事特書之道左要與父老之頌百世利者不可以無漢梁之紀余故略沿其顛末志諸不朽所愧才謝昔人不能為肩吾琮之詠與鄧勃文同之記云爾公名學怪字能始誠石倉先生萬歷乙未進士今以觀察使予告再

奉詔起用福州侯官人等效勞勤者巡簡應時達緣首丁尚貴例得並書

永通橋

在一都鹽務分司下明嘉靖五年建後廢萬歷三年重建

東吉洋橋

在一都白石五里亭舊為木橋圯於水清光緒三年劉克謨等倡建石橋

溪口渡

在一都水口上整村

北鄉

福全陂

俗呼覆船陂在十六都福全村長一百三十丈闊四尺深二尺五寸溉田四十五石種

樟尾陂

一名樟嶺潭陂在十七都身東西兩陂東陂至沙洲尾止西陂至杭下止長六里許溉田四千餘畝為十七都水利之最

鄒洋陂

在十八都村長四百五十丈闊一丈深四尺溉田二十頃

溪坪陂

在十八都溪坪村長一百五十丈深二尺五寸七頃餘

平湖陂

一名牛頭溪陂在十八都平湖村身東西兩陂東陂至蓮頭洋止西陂至山兜洋止長各四里許溉田三千餘畝為十八都水利之最

天王陂

在十五都炎墩丁日照等建身

古田縣志

卷之五

水利志

十

桃洲橋

一名武陵橋在十六都桃洲村元大德四年建清嘉慶八年重建林首達詩桃洲橋畔覓桃花何處流來片片霞世上已編新甲子洞中曾種舊桑麻雲生絕壑泉聲冷日落孤峯樹影斜為問避秦人在否可能同上釣魚槎

沙洲尾橋

在十七都沙洲尾村

高攀橋

在十七都高攀街宋時建明末廢清雍正元年包鴻經程君祥等倡募重建邑人丁夢熊詩岸關長虹跨天空爽氣橫客從雲際渡人在鏡中行萬樹低看渺千峯遠眺平春濤兼漲雨彷彿聽雷聲

鄭源橋

在十七都鄭源村

平湖橋

在十八都平湖村明洪武三年林良王宗年建成化十三年燬十七年黃元啓等募緣重建構亭其上今僅存木板清邑人林晉達詩晴湖極望水天遙烟井參差隔一橋蓼蘆洲旁漁艇繫杏花村裏酒帘飄人行入憩今猶昔

川漲川平暮復明忽聽清音來遠岸牧童牛背穩吹簫

一保橋

在十八都一保村

硯潭橋

在十八都一保村清光緒十五年建

湖邊橋

在十八都湖邊村

西溪橋

在二十一都西溪村

回龍橋

在三十都
長官村

狐狸坂渡

在十五都
狐狸坂

陽谷渡

在十五
都陽谷

杭下過溪渡

在十七都
杭下村

附舊志水利

舊志各陂不詳何都何
村姑附於后以備參考

屈斗陂

在保安里長四九丈闊三
尺深二尺溉田三十石種

咸溪陂

在保安里
長十二丈

小溪陂

在保安里長八丈闊三
尺深二尺溉田四頃

瑞雲陂

在保安里長四十二丈闊
二尺深二尺溉田四頃

碾洋陂

在邵南里長五
十丈闊五尺深

諸家陂

在邵南里長五十丈闊五
尺深三尺溉田六十石種

上洋陂

在和里長七十丈闊二尺三
寸深一尺七寸溉田三十石種

高頭陂

在崇禮里
長一百六

西雲陂

在崇禮里長一百六十五丈闊三
尺深二尺五寸溉田七十石

柯潭陂

在保安里長八百丈闊三十
丈深六尺溉田二千石種

巖

頭陂

在新興里長二十丈闊二
尺深一尺七寸溉田三頃

吳源陂

在新興里長二百四十丈闊
四尺深二尺三寸溉田七頃

雙瀨陂

在新興里長五十丈闊
四尺深二尺溉田二頃

洋陂

在慕仁里長三百七十丈闊八尺深三尺五寸溉
田一百二十石種明萬歷二十三年里人新修

徐洋陂

俗呼蔣洋陂在慕仁里長二百八十丈闊
四尺深二尺五寸溉田二百五十石種

源

古田縣志

卷之五

水利志

十一

下陂

在慕仁里長二百八十丈闊三
尺深八寸溉田一百三十餘種

溫泉橋

在保安里

龍津橋

同平沙橋

同